

Sekaraia

Ämawebe **bänepi tänpidäm takta man**

9

Sekaraia 9:9-12

Bänep kwini mähemi äbätak!

9* Yawetä ñode yäyak;

Eruk Jerusalem nanik ämawebe, in bumta oretpäñ
oretoret gera yäwut!

Intäjukun ämajin inken äbänirän kawut!

U kudän siwonji ba ämawebe yäpätägakta kehäromi
nikek äbän tamitak.

U bänep kwini tänpänitä donki nanak terak
manitkañ äbätak.

10* Unita nadäkot! Iwantä Jerusalem yotpärareken
ämik tuñum inkät ämik pewä ahäkta yäpmän
äbuño u näkä api pewa paotneñ. Burení,
ämik täño hos, karis ba äpa kuwek u kudup
api paotneñ.

Ude täñira intäjukun ämajin uwä äma äbori äboriken
bänep kwini terak irit täño manbinjam
yänahänpäñ api yäwerek.

Tänpäkañ kome yabän yäwat täyak u gwägu pähap
ño kädätä päñku ban udude pätak ude.
Komeni täño бага uwä ume wäpi Yufretis
u yäput-peñkañä komeni komeni api kuñ
morewek.

* **9:9:** Ais 9:6-7; Jer 23:5-6; Mat 1:21, 21:5; Rom 3:24-26; Jon
12:14-16 * **9:10:** Apos 10:36; Rom 15:9-13; 2Ko 5:18; Efe 2:13-17;
Rev 11:15

11* Tänpäkan Yawetä äneņi ŋode yäkgän täyak; Juda äma intäņo orajiyekät topmäk-topmäk kubä täņkuro u tom däpmänkan unitäņo nägäri terak täņkehärom täwani.

Topmäk-topmäk unita yänpän komi piä, kome kawuki umeni nämo ŋoken nanik pit tamiņpän taniņ kireņpewa api peņpeņ kuneņ.

12 Näk ude täņkentän tamikta yänira bänepjin pidäm täkan unita kome, komi piä täk täkan u peņpän komejin kujatken äneņi kuņkan säkgämän kan irut.

In komi piä taņi täņ itkan upänkan kowata täga tamayän täyat uwä komi apiņo nadäkan u irepmitpän kowata säkgämäninik api tamet.

12

Sekaraia 12:7-10

Yawetä Jerusalem nanik iwan keriken api yomägarek

⁷ Yawetä ŋode yäyak;

Yawe näkä Juda nanikta kehäromi yäpmäkta intäjukun api täņkentän yämet. Täņira Devit täņo äboriye wäp biņam ba Jerusalem nanik täņo wäp biņamtä Juda nanik täņo nämo api yärepmirek.

⁸ Tänpäkan kadäni uken Yawe näkä Jerusalem nanik api täņkentän yämet. Täņira ämawebe kehäromini nämotä Devit kehäromi nitek itkuko ude api itneņ. Tänpän Devit täņo äboriyetä Jerusalem nanikta intäjukun api täņ yämineņ, Yawe täņo aņero ba Anututä ini täņ yämeke ude.

* **9:11:** Mat 26:28; 1Ko 11:25; Hib 9:14-26

9 Tānkaŋ kadäni uken näkä äma äbori äbori Jerusalem tānpäwakta äbäk täkaŋ uwä api däpmāŋ morewet.

10 * Tānpäkaŋ Devit tāŋo äboriye ba Jerusalem ämawebe näkä orakorak kädēt ba yāŋapik man yäkyäk kädēt iwatta kehäromi api piŋ yäbaret. Ude tāŋira äma yäput pewä kumbuko u kaŋpāŋ konām butewaki jägämi pähap api tāŋ imineŋ, miŋiye naniyetä nanakiye tepi ba intäjukun naniktä kumbänkaŋ tāneŋo ude.

* **12:10:** Jol 2:28; Apos 10:45; Tai 3:5; Rom 8:15,26; Mat 24:30; Jon 19:37; Rev 1:7; Hib 12:2

Anutu Täŋo Man
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 18 Apr 2025 from source files dated 31 Aug 2023

914cbf46-f59a-54d1-b209-0f763534edb5